



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **R. P. F. Felicis Potestatis Panormitani Ordinis Minorum S. Francisci de Observantia ... Examen Ecclesiasticum**

**Potesta, Felice**

**Coloniæ, 1712**

Cap. VIII. De septima clausula. Sive extra occasionem confessionis in  
confessionario.

**urn:nbn:de:hbz:466:1-40060**

Præterea dissuasio illa, si attentè consideretur, non est inhonesta, quia ejus finis non est provocatio futura, sed vitatio sacrilegii, & periculi sollicitandi in confessione, stante intentione postea mulierem provocandi; qui finis est in se bonus, & solum concomitanter se habet ad intentionem postea provocandi. Simili ratione dicimus in *tom. x. de Voto*, esse honestam, & tenere votum, quando voves decemofynam, si non capiaris in furto, si obtineas prolem ex adulterio, quod intendis; quia tunc finis voti est salus, & proles, quæ sunt in se bona; furtum verò, aut adulterium non est finis, aut effectus à voto intentus, sed solum concomitanter se habet.

Similiter ob eandem rationem, si Petrus tentatus à Virgine ad rem, nolens fornicationem, & volens vitare periculum, quod immineret, fornicationem dissuadeat, intendens illam ad sola oscula provocare; talis dissuasio inhonesta non esset, licet conjuncta cum intentione mala osculorum; quia solum concomitanter ad illam se haberet.

Tum quia talis dissuasio materialiter, & per accidens se habet ad provocatioem mulieris; nam Confessarius, etiam si ejus confessionem exciperet, posset postea in itinere, &c. eam provocare absque eo, quod esset denunciandus: *v. n. 503. & 504.*

Cum igitur talis dissuasio confessionis non habeat pro suo fine provocatioem ad inhonesta postea faciendam, nec sit effectus, aut medium intentionis illius, sed solum concomitanter se habeat, non videtur inhonestatem contrahere, nec esse casus denuntiationis.

Talis tamen esset, si dissuasione confessionis statim post petitionem factæ Confessarius immediatè subjungeret aliqua verba, aut signa cum futura provocacione connexa, &

ad illam ordinata, v. gr. si diceret mulieri; *Non cures modo confessionem, quia prius habeo tecum loquus*; aut aliquod signum adderet pravam intentionem indicans, de quibus *n. 498. & à n. 554. ad 574.* tunc quidem esset casus denuntiationis, quia provocatio futura esset incepta per illa verba, aut signa immediatè post confessionis petitionem, juxta *dist. n. 506. 507. 511. & 570.*

#### QUÆRES X.

*521 Mulier accessit ad Confessarium fictè dicens se velle confiteri; Confessarius autem confessionem dissuasit, & statim tractavit inhonesta. An denunciandus?*

**R**esp. esse denunciandum. Tancr. *cit. q. 19.* quia Confessarius nesciens fictionem mulieris, verè ex parte sui tractavit inhonesta occasione confessionis.

### CAPUT VIII.

#### De septima Clausula

*Sive extra occasionem confessionis in Confessionario.*

#### QUÆRES I.

*522 Confessarius extra confessionem, nec simulans confessionem, in Confessionario sedens sollicitavit mulierem pariter ante Confessionarium stantem, aut sedentem. An sit denunciandus?*

**N**egant esse denunciandum, Leander *cit. q. 30.* & apud ipsum Freiras, Fagundez, Soufa, Cattropal, Lazana, Sancius, Hurtado, Bossius, Donatus *tom. 3. tr. 13. q. 53.* & alii, quorum ratio est solutio fundamenti oppositi. Nimirum quia Greg. XV. per suam Bullam universalem editam 30. Augusti 1622. Decretum Pauli V. declaravit, mitigavit, aut retrixit ad terminos simulationis per illa

M m m m 3 ver-



verba: *Sive extra occasionem confessionis in Confessionaria, aut in loco quocumque, ubi confessiones audiuntur, simulantes, ibidem confessiones audire.* Ubi Pontifex comprehendit casum nostrum, sed illi addit simulationem; cum igitur in casu non sit simulatio, esto habeatur sollicitatio in Confessionario, habetur sacrilegium, sed non casus denuntiationis.

Resp. tamen esse denuntiandum, Diana p. 1. tr. 4. ref. 18. p. 4. tr. 5. ref. 38. Bord. in sacro Trib. c. 23. n. 6. Escobar. Trullench. apud Leandrum cit. Resolutio expressè habetur in decreto Pauli V. ut sequitur.

523 Feria 5. die 10. Julii 1614.

**I**n Generali Congr. S. Rom. & Univ. Inquisit. habita in Palatio Apost. coram SS. D. N. D. Paulo Divina providentiâ Papa V. Sc. facta relatione, quod multi Confessarii tractant cum mulieribus in Confessionariis, extra occasionem confessionis, de rebus inhonestis; SS. decrevit, ut contra hujusmodi Confessarios procedatur in Sanctorum Officio.

Falsum autem est, quod Greg. XV. prædictum Decretum restrixit ad terminos simulationis, 1. Quia Pontifices in materia sollicitationis semper dilata vere, non restrinxerunt onus denuntiationis, ut constat ex num. 482. & præsertim Greg. qui per allatas particulas: *Sive extra occasionem confessionario*; expressè confirmat Decr. Pauli V. 2. Quia in his verbis: *Sive extra occasionem confessionis in Confessionario, aut in loco quocumque, ubi confessiones audiuntur, simulantes ibidem confessiones audire*: particula *aut*, cum sit disjunctiva, distinguit casus: ex quo fit, quod sicut particulae posteriores non possunt conjungi cum prioribus, neque *ly simulantes*, cum sit terminus restrictivus posteriorum, potest conjungi cum priori-

bus. Unde per priores particulas habet respectum ad injuriam loci, ut potest ad Tribunal ordinarium, sacramentalis iudicii, et ad confessionem; nam expressè constituitur excludit per particulas: *extra occasionem confessionis*; & ideo non requiritur necessitas. Per posteriores verò particulas habet præcisè respectum, non ad locum, sed ad confessionem, & ad eius injuriam, & ideo requirit simulationem, ut terminus restrictivum particulae: *Aut in loco quocumque*. Alioquin omnia peccata carnis à Confessionario commissa, aut tentata essent denuncianda, quia in aliquo loco committuntur, aut tentantur. Et hic est germanus sensus hujus Greg.

#### C A P U T II.

524 Mulier volebat quoddam suum militare negotium Confessario extra Confessionarium communicare, ille autem parum habens animum, ut liberius periret, induxit ad Confessionarium, & in confessionem non simulans, eam sollicitavit, an denuntiandus?

Respon. affirmativè. Constat ex priore casu.

#### Q U A E R E S III.

525 Confessarius, dum audiret confessionem unius mulieris, ea non advertens, per signa inhonesta alteri ante confectum essent. An denuntiandus?

**R**esp. cum distinctione: si mulier, cuius facta signa, existeret ante confectum Confessarii expectans confessionem, uti regulariter mulieres expectantes esse solent, quod faciliter ex circumstantiis cognoscitur; est denuntiandus, ut solent occasione confessionis; quia illa expectatio est virtualis petitio confessionis.



Si verò non existeret ibi expectans confessionem; sed casu, aut alio fine; tunc, si signa fecit in Confessionario, denunciandus est sollicitator in Confessionario, *juxta dicta* n. 522.

Si autem non in Confessionario, sed in alio loco, non est denunciandus; quia respectu ad talem mulierem, nullo pacto potest habere locum simulatio, aut respectus confessionis, quæ sunt alia capita denuntiatiōnis. Et solum tunc esse denunciandus, si illa una mulier, cujus confessionem audiebat, signa alteri facta perciperet. Tunc quidem esse denunciandus, ut violator quartæ Clausulæ: *Sive inter se, sive cum aliis quomodolibet perpetranda.*

## CAPUT IX.

## De octava Clausula

*Aut in loco quocumque, ubi confessiones sacramentales audiuntur, seu ad confessionem audiendam lecto, simulantes ibidem confessiones audire.*

126 **R**EGÈ Bord. cit. n. 43, advertit Bullam Greg. tria loca distinguere, ubi confessiones audiuntur. Primus est Confessionale ordinarium, quod confici solet ex ligno, habens laminam ferream cum foraminibus parvis, quodque in Ecclesia collocatur. Qui locus est expressus per priorem particulam: *In Confessionario.*

127 Secundus est locus quicumque ab illo distinctus, ubi confessiones audiuntur: tales sunt in domibus Religiosis Cellulæ quædam in primo Claustro, aut in Sacristia: hic secundus locus exprimitur per particulam: *Aut in loco quocumque, ubi confessiones sacramentales audiuntur.* In aliquibus autem ex præmissis cellulis non sunt nuda sedes, aut scamna, sed adaptatam video tabulam cum lamina

ferrea minutim perforata, ad unum latus cuius est sedes pro Confessario, ad alterum genuflexorium pro pœnitente: tabulam sic aptatam dico spectare ad locum primi generis, ac proinde comprehendi sub particulis prioribus de n. 522. quia habet formam Tribunalis ordinarii sacramentalis iudicii, & pro tali effectu specialiter, ac præcipue constructum; unde Confessarius, qui ibi extra occasionem confessionis, nec confessionem simulans, adolescentem sollicitaret, denuntiandus esset juxta ibidem dicta.

128 Tertius locus est ille, quem Confessarius ex sui placito pro eo tempore, quo confessionem excipit, eligit. Hic potest esse in scamno in Ecclesia, in foro, in domo, in agro, in monte, & ubique: genuflexoria in scissulis pro præparazione Sacerdotum a Missam, & pro gratiarum actione destinari solita, ad locum secundi, aut tertii generis spectare non dubito, quando in eis confessiones audiuntur. Hic tertius locus exprimitur his particulis: *Seu ad confessionem audiendam electo.* Per has ergo particulas non exprimitur locus primi generis, nempe Confessionarium ordinarium; quia leges non patiuntur clausulam superfluum, aut quæcum alta confundatur. *Glof. in l. quod metum, Bord. cit. n. 44.*

129 Hic me cohibere non possum, ne acriter reprehendam Confessarios illos, quos meo justo abominationis odio, tam præ excellens ministerium etiam erga mulieres exercere inspicio in scamnis Ecclesiarum, in Capellarum gradibus sedentes, uti neglectæ mulierculæ, ac indiscriminatim in aliis despectis locis. Erubescant, & vereantur, dignitatis, qua insigniuntur, & muneris, quo funguntur sint memores: sunt sacri animæ iudices, iudices temporales corporis intueantur. Invigilent Superiores, & huiusmodi contemptibiles